


Heriotza-kopurua %2,5 gehitu da 2011n Euskal AEn

Hamarraldi batean gizonen batez besteko bizitza-iraupena 3,4 urtez hazi da, eta emakumeena 1,8z

2011n 19.832 pertsona hil ziren Euskal AEn, 2010ean baino %2,5 gehiago, Eustaten datuen arabera. 10.296 gizon eta 9.536 emakume hil ziren. Heriotzarik gehien, 1.938, urtarrilean, eta gutxien, 1.498, uztailean.

2011n 100 urtetik gora hildako 251 pertsonen artean, %85 emakumeak ziren. Ehun urtetik gora hildakoen kopuruak gora egin du azken urteetan; goia, 2009an, 254 pertsona.

1. grafikoa: ehun urtetik gorako pertsonen heriotzak, sexuaren arabera, 1996-2011



Iturria: EUSTAT. Euskal AEko heriotzen estatistika

Hildako emakumeen batez besteko adina 81,7 urte izan zen, gizonena 74,8

2011n zehar hildakoen batez besteko adina, 78,1 urte; 2001ean, aldiz, 75,3; hots, 2,8 urteko gehikuntza azken hamarraldian.

2011n, hiltzean, gizonen batez besteko adina 74,8 urte; emakumeena 81,7; 2001ean, 71,4 eta 79,9. Azken 10 urte hauetan gizonen bizitzaren batez besteko iraupena 3,4 urtez handitu da eta emakumeena 1,8z.

Hazkunde begetatiboa positiboa izan zen, jaiotzak 1.348 gehiago izan ziren heriotzak baino. Saldo positiboak izan dira Araban eta Gipuzkoan, 910 eta 763 biztanle gehiago; Bizkaia dagokionez, aldiz, hildakoak jaiotakoak baino gehiago izan dira (-325).

Haurren heriotza-tasari dagokionez, urtebetetik beherako milako 2,6 hil ziren. Jaioberrien heriotza-tasak, bizitzako lehen 28 egunetan hiltzen direnenak, 36 heriotza zenbatu zituen; 12 aurreneko 24 orduetan eta 10 aurreneko astean. Urtebetetik beherakoen artean, neskatoak guztirakoaren %70 izan ziren.


Heriotzen %60,1, tumoreek eta zirkulazio aparatuko gaixotasunek eraginda

Tumoreek 2011n heriotzen %31,6 eragin zituzten, guztira 6.261; zirkulazio-aparatuko gaixotasunek %28,5 (5.655 hildako), eta hirugarren tokian, urrunago bada ere, arnas aparatuko gaixotasunek %8,9 (1.758). Gaixotasun garrantzitsuenen hiru talde hauen prebalentzia aldatuz joan da azken hamarraldian. Tumoreek eragindako heriotzak %14 hazi dira; arnasbideetako gaixotasunek eraginak %7; kardiobaskularrek eraginak %2 murriztu dira.

Heriotzen kausak ez ziren berdinak izan sexu batean eta bestean: gizonezkoen artean, tumoreak hilgarriago gertatu ziren zirkulazio-aparatuko gaixotasunak baino; emakumezkoen artean, berriz, heriotza-kausa nagusia gaixotasun kardiobaskularrak izan ziren, eta tumoreak bigarren.

Halaber, adinaren arabera bada alderik heriotza-kausetan. Urtebetetik beherakoen artean, heriotzarik gehien jaiotza-inguruko gaixotasunek eta malformazio kongenitoek eragin zituzten; 40 urte arte, heriotza-kausa nagusiak kanpokoak izan ziren, istripuak eta nork bere burua hiltzea tartean; 40 urtetik 80 urtera, tumoreak, eta 80 urtetik aurrera, zirkulazio-aparatuko gaixotasunak.

2. grafikoa: heriotzak kausa eta sexuaren arabera (%); 2001ean, 2011n



Iturria: EUSTAT. Euskal AEko heriotzen estatistika

Miokardioko infartuagatiko heriotzak %28 murriztu dira azken hamarraldian

Zirkulazio-sistemaren gaixotasunen artean, miokardioko infartua urrituz joan da heriotza-eragile gisa. 2001ean 861 pertsona hil ziren, 2011n 623, %-28.

Alzheimerrak 661 heriotza ekarri zituen 2011n

Heriotzak eragiten dituzten taldeen artean azken hamarraldian gehien hazi direnak asaldu mentalak eta nerbio-sistemaren gaixotasunak ditugu. Azken hamar urteetan, dementziek eragindako heriotzak %61 hazi dira (1.093 2011n), eta endekapenezko gaixotasunen artean Alzheimerrak eragindakoak %74 hazi dira (2011n 661).

Dementziek eta Alzheimerrak eragindako heriotzarik gehien, emakumeenak: 2011n, %65 eta %72.

Trafiko-istripuek eragindako heriotzak gutxituz jarraitzen dute eta nork bere buruaz beste egitea heriotzaren aurreneko kanpo-kausa da

Horrenbeste (%69) gutxitu dira trafiko-istripuak azken 10 urteetan (2001-2011) non ekarri baitute istripuzko erorikoak eta nork bere burua hiltzea izatea heriotzaren kanpo-kausarik handienak. Trafiko-istripuek eraginiko heriotzak 75 izan ziren, 125 istripuzko erorikoak eta nork bere burua hiltzeak 172. Buru-hiltzeak %31 gehitu dira 2010 urtearen aldean, orduan 131 izan baitziren.

1. taula: Heriotzak Euskal AEn, sexuaren arabera 2011

	Gizonezkoak		Emakumezkoak	
	Kop.	%	Kop.	%
Kausa guztiak	10.296		9.536	
Gaixotasun infekzioso eta parasitarioak	146	1,4	183	1,9
Tumoreak	3.846	37,4	2.415	25,3
Guruin endrokinoetako, elikaduraren eta metabolismoaren gaixotasunak	252	2,4	359	3,8
Trastorno mentalak eta portaeraren trastornoak	386	3,7	707	7,4
Nerbio-sistemako gaixotasunak	473	4,6	737	7,7
Zirkulazio-sistemako gaixotasunak	2.699	26,2	2.956	31,0
Arnas sistemako gaixotasunak	992	9,6	766	8,0
Txegoste-sistemako gaixotasunak	503	4,9	443	4,6
Sistema genitourinarioko gaixotasunak	209	2,0	184	1,9
Zantzu, zeinu eta aurkikuntza anormalklinikoak eta laborategikoak	185	1,8	307	3,2
Kanpoko heriotza-arrazoiak	447	4,3	236	2,5
Beste batzuk	158	1,5	243	2,5

Iturria: EUSTAT. Euskal AEko heriotzen estatistika

Heriotzaren kanpo-kausen artean gizonen prebalentzia handiagoa da. Istripuzko erorikoek eta buru-hiltzeek eragindakoen artean, 93 emakume eta 204 gizon.

Argibide gehiago:

[Euskal Estatistika-Erakundea / Instituto Vasco de Estadística](#)

Donostia-San Sebastián, 1. 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Helbide elektronikoa: eustat@eustat.es

Harremanetarako pertsona: Martín González Hernández

Tel.: +34-945-01 75 49 Faxe: +34-945-01 75 01

Euskal AEKo HERIOTZEN ESTATISTIKARI buruzko prentsa-ohar gehiago

Euskal AEko heriotzen estatistikari buruzko datu-bankua